

HAUPTJEDANKEN FA DEE 2025 THANKSGIVING BLENDING KONFERENS

**Waut wie vondoag brucken, es de vondoagsche,
uagenblekjelje, läwenje Vision
von dän Himmlischen Christus aus de läwenja Stiern**

**De praktischa Emanuel es de Jeist von Werkjlichkheit,
aus de Jäajenwuat von dän reed jemoakten Dree-eenjen Gott en onsen Jeist;
Siene Jäajenwuat es aule Tied met ons en onsen Jeist,
nich bloos Dach fa Dach, oba uk jieda Moment.**

**De kloaschte Oppenboarunk von dän Dree-eenjen Gott es
en Matäus 28:19: „Dan got nu han un moakt aule Velkja
to Jinja un deepst äant en dän Nomen
von däm Voda, von däm Sän un von däm Heiljen Jeist.”**

**Doa sen twee groote Prinzipen en de Welt —
Gott siene Volmacht un Soton sien Wadasträwen;
de eensja Striet tweschen Gott un Soton
jeit om de Volmacht.**

Rädplon von de Bootschoften
Fa Dee “Thanksgiving Blending Conference”
Nowamba 27—30, 2025

AULJEMEENE TEMA:
De AUL-ENTSCHLUTENDA CHRISTUS
SOS JEOPPENBOAT EN MATÄUS

Bootschoft Eent

De Vondoagsche, Uagenblekjelje, un Läwenje Vision
von dän Himmlischen Christus aus de Läwenja Stiern

Schreft Läschen: Matt. 2:1–12; 4. Mose 24:17; 1. Mose 1:14–19; Dan. 12:3;
Opb. 1:16, 20; 2:1, 28; 3:1; 22:16; 2. Pet. 1:19; 1. Mose 22:17; Judas 12–13

I. Aus Jesus jebuaren wia en Bethlehem, doa kjeemen Weisen vom Oosten no Jerusalem un säden: „Woa es dee niejebuarna Kjennich von de Juden? Wiels wie haben Sienen Stiern jeseenen em Oosten un wie sent jekomen, Am auntobäden.” (Matt. 2:2). Dit wia de Erfellunk von 4. Mose 24:17, woa daut sajcht: „Doa woat een Stiern ut Jakob oppgonen.” Dee Stiern diet noh Christus.

- A. De Weisen säden nich: Wie haben een Stiern jeseenen, ooda Wie haben dän Stiern jeseenen, oba “Wie haben Sienen Stiern jeseenen; Dee Stiern es de himmlische Christus.
- B. Dee Stiern woa daut en disen Varsch von räd wia jewäsen to jeliiede Menschen; dee wia nich to seenen von irjent wäm ut Israel; De Juden haben de Schreft, dee von Christus räd, un wisten, woa Hee jebuaren woat (Matt. 2:4–6), oba dee Weisen sagen dän Stiern von Christus.
- C. De Juden haben de Kjanntnis en de Schreft, woa Christus jebuaren woat (Micha 5:2), oba dee Weise Manna vom Oosten haben ne läwenje Vision jekräajen von Am; opplatst fieed dee Stiern äant noh de Städ, woa Christus wia (Matt. 2:1–12).
- D. Christus es de rajchte Sun (Mal. 4:2), oba rajcht jesajcht, He schient nich as de Sun enne Tiet vonne Nacht; He schient as een Stiern (Opb. 2:28). een Stiern schient enne Nacht, oba daut wiest daut de Dach es aum komen (Rom. 13:11–14).
- E. Aus Christus daut ieeschte Mol kjeem, Hee erschiend aus een Stiern; oba wan Hee daut tweede Mol kjemt, woat Hee de Morjenstern senn’ (Opb. 2:28; 22:16) too Siene Äwawinda, dee waut doa woaken fa Sien komen; all de aundre woat Christus lota erschiene as de Sun (Mal. 4:2; vgl. Matt. 13:43).

II. Matt. 2:1–12 wiest, daut Christus to finjen ne läwenje Sach es; nich bloos ne Sach von Lieren ooda Kjanntnis von de Bibel.

- A. De Stiern erschiend wiet auf von dän Tempel en daut heilje Launt, wiet auf von daut judische Relijeese Zentrum, von dee Priesta, dee Schreftjeliiede, dee Farisäa, un von aule Relijeese; enne Städ, doa wia een Stiern waut doa waut von Christus wiest en daut Heiden Launt.
- B. Bloos de Bibel enne Haunt hoolen un Micha 5:2 läsen, daut Christus sull en Bethlehem jebuaren woaren, schauft nich; wie kjenn’ de Bibel hann’ un dän himmlischen Stiern vefälen.
- C. Dee Stiern es de läwenje Oppenboarunk, de läwenje Vision — nich de oole un doodje Kjanntnis von de Schreft, nich de doodje Kjanntnis von Micha 5:2. Waut wie vondoag brucken, es nich bloos Bibelkjanntnis, oba de himmlische Vision — de vondoagsche, uagenblekjelje, läwenje Vision, dee Vision waut kjeen Menschen Konzept lieren kaun.
- D. Selbst wan wie de Kjanntnis von de Schreft hann’ motten wie dannoch dän uagenblekjeljen, vondoagschen, läwenjen Stiern too hann’, dee ons noh de Gauss fieet un noh daut Hus woa Jesus es.
- E. Aus dee Weisen de läwenje Vision jekräajen hauden, wiaren see doch veleit derch äare Menschliche Konzepts un jinjen no Jerusalem, de Hauptstadt von de Juden, woa se dochten daut de Kjennich wudd senn; daut se veleit wiaren muakt daut vüle junge Junkjes dood jemoakt worden — Matt. 2:16.
- F. Aus see en Jerusalem nenn komen un aunfrugen, woa de Kjennich von de Juden sull jebuaren senn’, sajcht de Schreft, “Aus de Kjennich Herodes daut hieed, veschrock hee, un gaunz Jerusalem met am.” – Matt. 2:3.

1. Aus dee dise Norecht hieeden, hauden see sikj sult freien; oba see wiaren verschrocken; dit wiest daut se nich werkjlich dän Heiland sochten. – vgl. Spr. 4:23
 2. Wan Eena waut aun dän Harn jleeft, nich aunjeschieet es mett dän Harn aus Leew en sien ennalichet Jefeel, es hee nich wieet en Christ jenant to woaren – 2 Tim. 4:8; Mark. 12:30; 1 Kor. 2:9.
 3. Een Christ waut doamet rääkjent daut de Harn trigj kjemt un rääkjent entrekjt to woaren sull dit aus ne Woarnunk nämen – 2 Tim. 4:8; Tit. 2:13; Opb. 2:28; 22:20; Matt. 24:40-44; 25:8-13.
- G. Aus dee Weisen derch de Schreft trajchtjewäsen wiaren (Matt. 2:4–6), jinjen see noh Bethlehem (V. 8–9), un de Stiern erschiend äant wada un leid äant noh de Stääd, woa Christus wia. "Aus see daut Stiern sagen, freiden see sikj bloos sea." (v. 10):
1. Aus dee Weisen derch de Schreft trajchtjewäsen wiaren un trigj opp dän rajchten Wajcht jebrocht wiaren, erschiend äant de Stiern wada; ne läwenje Vision jeit emma toop met de Schreft.
 2. De Priesta wiaren dee waut de Menschen daut Jesaz lieden (Mal. 2:7), un de Schreftjelleede wiaren dee waut de Schreft kjannden (Esra 7:6); beid hauden Kjanntnis äwa daut Jebuaren woaren von Christus (Matt. 2:5–6), oba nich so aus dee Weisen vom Oosten, dise sajen nicht de Vision, un hauden uk nicht daut Hoat noh Christus to sieekjen.
 3. Endoont wo "schreftlich" we senn, wan wie dän Harn siene Jäajenwuat verlieren, sen wie gaunz vekjeed; de Nie Testamentliche Wajcht, dän Harn too finjen un too folgen, es aule Tiet en Siene veborjene Jäajenwuat to bliewen – Joh. 5:39–40; Jes. 45:15; 2. Mos. 33:11, 14; vgl. 2 Kor. 5:16.
 4. Daut es leich Schreftkjanntnis to kjrieen, oba wan wie läwenje Leidunk wellen hann', motten wie intieme Jemeenschoft met dän Harn haben; wie motten eent senn met Am – 2:10–14.
 5. Dee Weisen sagen Christus un see bäden Am aun; dan worden se von Gott jewoarnt derch eenen Droom, daut see sullen nich trigj gonon no Herodes, dan jinjen see trigj noh äa Launt "opp eenen aundren Wajch" (Matt. 2:12); Wan wie Christus jeseenen haben, wellen wie nie wada dän selwe Wajcht gonon — dän Wajcht von Religion onen Christus — oba wie wellen emma dän aundren Wajcht gonon.

III. Christus siene true Nofolja sen läwenje un schienende Stierns, dee dee Christus folgen aus de schienenda un läwenja Stiern, toom Siene Vedoblunk senn – Dan. 12:3; vgl. 1. Mose 22:17.

- A. Dee läwenje Stierns folgen de himmlische, läwenje, vondoagsche, uagenblekjelje Vision von Christus as de Medd un de Omhank von Gott sien Ekonomie – Apg. 26:16–18; Kol. 1:17b, 18b.
- B. Dee läwenje Stierns sen dee, dee Gott sien Volk säajnen; jemea wie dän Harn preisen fa Gott sien Volk derch Gloowen godet äwa äant räden, jemea stall wie ons Selfst unja Gott sien Säajen – 4. Mose 24:9; 1. Mose 12:2–3; 22:17.
- C. Dee läwenje Stierns jäwen Acht opp daut profeetischet Wuat „aus een schienendet Licht en eene dunkle Stääd," so daut Christus as de Morjenstiern en äare Hoaten oppjeit Dach fa Dach. Wan wie Acht jäwen opp daut Wuat en de Bibel, woat Hee oppgonen en onse Hoaten un schienen en de Diestanis von de Auffaulunk, woa wie vondoag ben sent, ver Siene werkjliche Erschienenung aus de Morjenstiern – 2 Pet. 1:19; Joh. 6:63; Opb. 2:28; 22:16; 2 Tim. 4:8.
 1. En daut Prinzip von dän Morjenstiern sull een Christ tiedich oppston, wäajen tiedich zemorjes de baste Tied es dän Harn to trafen (Jemeenschoft met Gott to haben, to preisen un sinjen, toom de Bibel bäden-läsen met de ministry toop, un to bäden to dän Harn) – Hoh. 7:12; Ps. 5:1–3; 57:8–9; 59:16–17; 63:1–8; 90:14; 92:1–2; 108:2–3; 143:8; 2. Mos. 16:21.
 2. De Harn woat em jeheemen Sikjselfst jäwen aus de himmlische Morjenstiern too dee, dee Am leewen un woaken un wachten no Am, so daut see de Freschheit von Siene Jäajenwuat schmaken kjennen, bie Sien trigj komen no ne lange Aufwäsenheit – 1. Thess. 5:6; Opb. 2:28; 3:2–3; 16:15.
- D. Dee läwenje Stierns jeniessen un sent jefelt met dän säwenfach vestoakja Jeist, toom äant sea läwendich moakjen un sea dach moakjen fa Gott sien Bu – Opb. 3:1; 4:5; 5:6.
- E. Dee läwenje Stierns sen de Bootschofta von de Kjoakjen, dee dän pneumatischen Christus jeniessen un beläwen aus de Bootschoft von Gott, un aus daut freshe Wuat von Gott, doamet see dän freshen un Jäajenwuatjen Christus utdeelen kjennen en Gott sien Volk nen, fa daut Zeichnis von Jesus – Opb. 1:16, 20; 2:1; Mal. 3:1–3.

- F. Dee läwenje Stierns hann' „grooten Väasauz en äa Hoat“ un „groote Sieekjen en äa Hoat.“ See sen Leefhaba von Gott, dee so aus „Stierns ... von äare Bon“ met Gott toop Kjamfen jääjen Sien Fient, doamet see woaren „aus de Sun wan dee oppjeit en Äare Krauft,“ un woaren dee waut „schienen aus de Sun en daut Rikj von äaren Vada“ – Ri. 5:15–16, 20, 31; Dan. 11:32; Matt. 13:43.
- G. Dee läwenje Stierns sen dee waut Jehova ferchten un opp Sien Deena horchen, truen opp Jehovah daut see muchten Licht hann wan see en Diestanis waundeln – Jes. 50:10–11; Ps. 139:7–12, 23–24.
1. Dee waut Sikjselfst Licht moaken un waundeln en äa selfstjemoaktet Licht, ennestäd en Gott sien Licht, woaren Lieden doavon kjrieen – Jes. 50:11.
 2. Daut sull fa ons ne Woarnunk sennen, daut wie waundeln en daut Licht waut Gott jejäft haft, un nich en daut Licht waut wie selfst jemoakt hann. “Komt, lot ons waundeln en daut Licht von Jehovah.” (Jes. 2:5).
- H. Dee läwenje Stierns sent aunjediet met dee Stierns waut Gott dän vieeden Dach muakt, aus Hee de leed wadahaastalen un wieda muaken deed, woa dise Stierns rejieren derch Schienen; woa Schienen es, doa es uk rejieren toom Läwen waussen – 1. Mose 1:14–19.
1. Daut Schienen von dän Harn Jesus opp dän Boaj von vekjläarunk wia daut komen von daut Rikj met Macht; dit Schienen wia ieejentlich dän Dree-enen Gott Sien regierende Jääjenwuut – Matt. 17:1–8; Mark. 9:1–8.
 2. Daut Rikj Gottes, aus daut Rejieren von Gott, met aul Siene Säajnungen un Jeniessunk es daut Schienen von dän Harn Jesus un daut vespreeden von dän Harn Jesus derch Schienen äwa ons.
 3. Daut Rikj es de Werkjlichkheit von dän Harn Jesus Sien Schienen; wan Hee äwa ons schient un wie unja dat Schienen bliewen, dann sen wie em Rikj, unja Gott siene Leidunk un Sien Rejieren, fa ons Waussen em Läwen.
- I. Opp de negative Sied sent doa „errende Stierns“ – Judas 12–13.
1. Daut Bilt von errende Stierns wiest, daut de vekjieede Liera, dee auffefolne, nich faust sent en de Onbewääjelje Woarheiten von de himmlische Oppenboarunk, oba room gonon mank Gott sien Stiern Volkj.
 2. De vekjieede Auffefolne sent vondoag errende Stierns, oba toolatst woaren se em jefenkniis komen Fa dee de Dunkelheit von de Diestanis en Eewichkheit oppbewoat es.
 3. Eena waut nich lieet, daut de lokale Kjoakjen nich daut Ziel sent von Gott siene Ekonomie, oba bloos de Wajcht sent, dän Gott bruckt toom de Werkjlichkheit vom Kjarpa Christi to kjrieen, paust nich too dän Zwakj von Gott siene Ministry en dise Tiet; Eena waut ons trigj helt von blenden met de Kjoakjen, fa de Werkjlichkheit vom Kjarpa Christi, es en errenda Stiern; de woare Stierns sent dee, dee väle to de Jerajchtichkheit dreien un leiden Menschen opp dän rajchten Wajcht.
 4. Vondoag Daut läwenje Stiern un dee läwenje Stierns sent nich wiet auf von ons — see sent en un met de lokale Kjoakjen, aus de praktischa Utdruck vom Kjarpa Christi (Opb. 1:11, 20). Mank all de lokale Kjoakjen sent doa läwenje Stierns; wie muchten bloos met dee en Kontakt bliewen un met dee Tied verbringen — see woaren ons no de Städ leiden woa Jesus es.
- J. Mucht de Har Barmherzich sen met ons, daut wie aule Tiet opp dän rajchten Wajcht bliewen, dän Harn to trafen, Am auntobäden, un Am onse Leew to jäwen. Mucht de Har ons moaken as dee Weisen, dee dän läwenjen Stiern folgen, Am finjen, un niee Oppdackjungen von Christus moaken, toom Siene Vedoblunk senn — vgl. Eph. 5:8–9; Jer. 15:16a.